

TRACTATUS

Scripti à DOMINO

ROBERTO BOYLE.

NOBILI ANGLO, & Societate Regia.

Vbi

- I. Mira AERIS (*etiam citra Calorem*) RAREFACTIO detecta.
- II. Observata Nova circa DURATIONEM VIRTUTIS ELASTICÆ AERIS *Expansi*.
- III. Experimenta Nova de CONDENSATIONE AERIS *solo Frigore facta* ; ejusque COMPRESSIONE *sine Machinis*.
- IV. *Ejusdem Quantitatis* AERIS rarefacti & compressi mire discrepans EXTENSIO.



GENEVÆ,

Apud SAMVELEM DE TOVRNES.

M. DC. LXXVII.





MONITUM AD LECTOREM.

SEQVENTIS Scripti Author existimat ,
Lectorem suos vel ex Libris , quos ipse edidit ,
vel ex iis , quæ à Scriptoribus aliis allegata
inde fuerant , didicisse Fabricam , Vfusque com-
muniores Machinæ ipsius Pneumaticæ , quam
compluribus Authoribus visum fuit Machi-
nam Boylianam appellare. Hujus itaque Descriptionem ut
familiarem sibi reddant , qui operæ pretium duxerint hasce Chartas
legere ac intelligere , monendum censuimus.

Uterius vero quod circa ipsas significemus , nil suppetit ,
nisi quod Tractatulus Primus reverà scriptus fuit ad Amicum
quendam Doctum (cujus Nomen certis de causis hic subicitur :)
Tres vero reliqui eundem sunt extemplo consecuti.

Quoad Elegantiarum Formulas , in Epistolarum calce sub-
jecci suctas , eas omisit Author , ne Lectori vel etiam sibimet

negotium inutile faceretur; spe ductus, paratam sui Excusationem fore, si adhibita ab una ad aliam Dissertationem Transitiones, ipseque Stylus & Methodus earum non sint compta adeo & ad Artis regulas composita; cum hæc Diatribæ, conflante ipso cum gravi Morbo, qui eum à propria Dictatorum lectione prohibuit, compositæ fuerint.

MIRA



MIRA AERIS

(*Etiam citra CALOREM*)

RAREFACTIO
DETECTA

A

ROBERTO BOYLE

NOBILI ANGLO, è Societate Regia,

ATQVE

Amico per Epistolam communicata.



OLIM Te, *mi Domine*, existimare, me fuisse miratum, Te hesternà nocte adedò suspensum auscultasse mihi, de *Rarefactione & Condensatione Aëris* tantà in speciem enormitate differenti; cum fatear Igo, me eà occasione quãdam protulisse, quæ primo aspectu adedò confinia videri possent *impossibilibus*, ut omnino *improbabilia* habeantur.

Et quanquam, vel super ejusmodi argumento, benignam volueris de veracitate mea opinionem fovere; attamen cum istà

Ll 3. comitate

comitate tuâ nequitiam avocari me oporteat sed provocari potius, ut, ne sententiâ tuâ cadas, allatâ dictorum meorum confirmatiône adnitar: Iam inter schedas meas, ante plures annos sepositas, quâsivi invenique nonnullas quarum beneficio evincere quid amplius potero, quàm quæ memoriæ m.æ diffusis, in audaciore hesterni mei sermonis parte asserere audebam. Etenim non solum inventis jam narrationum earum, quæ hoc scripto continentur, Autographis, sed & Machinâ meâ rite constitutâ; facultate instructus sum, sermonem illum, in quo modestiæ quodammodo litabam, catenus comproband, ut, licet multum laboris & molestiæ, in Experimentis extemporaneis, quæ pari omnino passu cum hîc insertis ambulent, peragendis mihi sit subindundum; attamen si justum aliquod dubium id à me exigeret, probationem certè Ocularem, eorum saltem quæ heri apud Te affirmabam, ostendere me posse existimaverim.

Ac jam tempus monet, excitata in te, contra morem meum, magnâ expectatione, ut mensuram ejus quadantenus impleam; quod mihi cò facilius fore spero, quia consonantia illa, quam inter narrationes *Adversarii* meis insertas, & Experimentorum in iis descriptorum *Phænomena*, observare sæpe potuisti, supervacaneum, puto, faciet, sequentium, quæ inde excerpta sunt, Experimentorum si sem tibi persuasum ire. Quare ea jam jam subiungam, dummodo pauca quædam, viz ad ipsâ sternendæ gratiâ, præmiserim.

Ante complures jam annos, cùm animus esset, Aërem ad insignem Rarefactionis gradum, meris conjecturis certiore, reducendi, præstare id occiperam, * *Caloris*, ejusque in *Æolipila* excitati, beneficio, id quod in alio tractatu commemoravi: At cùm perciperem diligentissimum *Mersennum* valuisse Aërem, nî subest error, tantundem ac Ego, vel etiam amplius istoc modo rarefacere: tentabam Ego, possemue *Vs Aëris Elasticâ* (sine *Calore*) ampliorem ipsius expansionem obtinere? ** Comperique, (ut alibi etiam tradidi) potuisse me adeò, in Machina mea Pneumatica, Expansionem Aëris augere ut centies & quinquagies bis majus spatium, quàm ante, occuparet. Verùm hæc Dilatatio, quanquam bis eam excederet, quam procurare unquam *Mersennus* potuit, haud mihi suffecit, quin imò incitavit (quod ibidem recito) ut aliud excogitarem artificium, quod, licet jam ante octo vel novem annos fuerit peractum (uti annotatum unius ex istiusmodi experimentis tempus doct) successuum tam suorum enarratione hætenus caruit, quippe quam inter aliorum ejusmodi experimentorum, quæ in eadem Machina peracta fuerunt, hætenus verò lucem non viderunt, successus seposueram. Quocirca ut nunc progrediar, ipsorummet Tentaminum Apographum Tibi hic dabo, prout ea propere & inelegerat at perquam fideliter in Sylloge mea Pneumatica consignata fuerunt. Id prius innuam duntaxat, in Egregia illa Experimentorum falco, quam ceu primitias, jure suo Celebris *Academia Florentina* produxit, me

* V. *Novæ Experimentæ. Physico-Mechanicæ*, Exp. 6. ** Ibid.

RAREFACTIO.

3

me deprehendere, doctos illos Philosophos, pro sagacitate sua, eoque Extensionem Aëris promovisse, ut eum centies septuagies ter ultra priores ipsius dimensiones expanderint: Quodque augmentum illud reddid insignius laudabilisque, id est, quoddam diffusam hanc Rarefactionem, ipsa Acris vi Elastica, perinde ac feceram Ego meam, obtinuerant, ac, citra Machinæ meæ administriculum, quod Ego ejusdem beneficio primitus elicere poteram, superaverant. Quare nemor eorum, quæ in isthoc genere ante aliquod annos præstiteram, inter schedas meas Experimenta tunc à me facta quæsi, ubi Notas inveni, quarum Apographum, sine ulteriori mora, sic trado;

EXPERIMENTVM I.

A Ccepimus Ovum (ut vocant) vitreum Globosum, ex materia limpida, fistulaque sive crure, aliquot uncias sive transversos pollices longo, instructum. Hoc aquâ repletum, unâ cum phiala aquam continente, Recipienti commodæ magnitudinis inimisimus, Aëremque inde exhauriendo Bullas tum in Ovo tum in Phiala numerosas in conspectum egimus; aded ut Liquor in Ovo vitreo bullire videretur, & quicquid ejus erat in crure reverâ proflueret. Aquam satis jam ab Aëre liberatam rati (quod non aded promptè factum,) vitra exemimus, & Ovi fistulam aquâ è Phiala transfusâ replevimus, illudque in aquam copiosiore invertevimus, ita ut Ovum integrum, Crus, inquam, & totum ejus corpus esset plenum, exigua tantum Aëris bullula exceptâ, quam reliqueramus de industria, ut ad summitatem Ovi emergeret; ubi per vitri pelluciditatem copiâ nobis factâ circino uncato accurate eum dimetiendi, comperimus, ipsam decimæ parti & duabus ferè centesimis unius pollicis æqualem fuisse. Dehinc repositis in Excipulum vitris, Autham exercuimus, parvamque bullulam, post tempus aliquod, expandi incipere conspeximus; quo factò initio, singulis suctionibus mire ampliabatur, donec tandem omnem aquam ex globosa vitri parte expelleret. Et ne quis objiciat, Aquæ, post subductum Aërem externum, subsidentiam, prius bullulam in vitri summo sustentasse; exaltationis laborem tandiu continuari curavimus, donec expansus Aër aliquoties Aquam in Ovi crure satis insigniter infra externæ & ambientis Aquæ, in altero vitro contentæ, planitiem depulisset: quo factò Aërem paulatim intromisimus observabundi, qualem bullam in Ovi summitate deprehenderemus, postquam Aqua rursus in cavitatem ipsius esset impulsâ. At expansus Aër tantum Aquæ expulerat, ut reliquam ejus implendo Ovi globo non sufficeret. Quare Experimento iterato, & hucusque progressu factam parvæ Bullæ diametrum cum sphaerica parte vitri, quam eodem circino uncato demetiebamur, comparavimus; & quanquam eam plusquam vigesies ampliorem deprehenderemus, Experimenta tamen favere nil quicquam volentes, duas hæc diametros habere se supposuimus ut 1. ad 20. proindeque cum

Euclidæ

* *Euclides* demonstret, *Sphaeras esse in triplicata ratione Diatherorum*; Sitque in casu nostro cubus minoris diametri, qui est 1, non nisi 1, oportet Cubum Majoris Diametri, qui est 20, esse 8000; adeoque patet, Aërem, sui ipsius expansione, locum octies millies, quàm prius, ampliorem acquisivisse. Nec susque deque habuimus, quod vix unquam ejusmodi vitrorum pars globosa figuram exacte *Sphaericam* obtineat: At non Ego tantum, sed Doctor *Wallisus*, qui Experimento aderat, judicabamus, cavitatem Cruris unde expansus Aër aquam depellebat, à nobis tamen ad rationes non vocatam, duo supradicta particularia abundè compensare.

His ita peractis, majoris certitudinis ergo, Aquam accepimus, diligenter ab Aëre purgatam, eaque vitro eidem immissâ, illud, uti priùs, invertabamus, at nulla in eo relicta Bullâ. Quod ideo à nobis factum, ut si Aquam deprimere esset animus, experimentum suspicioni huic obviaret, posse nempe Aërem in aqua latitantem, Bullam priùs in ea relictam augere. *Recipiente* igitur tantundem ac antè exhausto, & nî fallimur, aliquanto amplius, Aqua in Ovo nî omninò subsiderat; sed tandem continuato gnaviter exantlandi labore, emergebat Bulla, quæ omnem ex rotunda vitri parte aquam expulit. Ac licet ob Excipulum tantillum fatiscens, cujus rimæ locum invenire proindeque sanare non poteramus, opis nostræ non erat, uti priùs, efficere, ut expansus Aër Aquam in crure *infra* Aquæ externæ superficiem deprimeret; à quo tamen per-parùm defecit: Tumque fessi, & ab opere desistentes, deprehendimus, aquâ denuò sursum in Ovum impulsâ, Bullam esse in ipsius summitate, cujus Diametrum perquam sollicitè dimensam invenimus se habere ad Diametrum globosæ partis Vitri, ut 1. ad 14; sic ut, licet perfectæ Sphæræ figuram Bullula habuisset, Sphæræ tamen cùm sint, ut dictum, in ratione triplicata Diatherorum, necesse sit, Bullam expansam fuisse 2744^es ampliorem Bullâ non-expensâ. Verùm Doctor *Vallisus* (quem idoneum in hisce rebus judicem nemo non agnoscat) insignem Bullæ tenuitatem, unâ nobiscum omnibus, observans, planè & constanter affirmabat, se eam ad summum æstimare non posse tertiâ perfectæ istius Diametri Sphæræ parte ampliorem: juxta quam æstimationem, expansio Bullæ nativas suas dimensiones 82½ omnino excessit.

NB. Aquâ in *Recipiens*, quantum capiebat, inromissâ, comperimus, propter additam quandam rimam, non potuisse nos eam sic exhaurire, quin aliquid Aëris remanserit.

EXPERIMENTVM II.

EXigua & fere inconspicua Bulla, † ambiente Aëre sic satis exhausto, ad extensionem priori 10000^es majorem expendebatur, hac methodo. Parvum
Vi rum

* *Elem. 12. prop. ult.* † *Linn. 2. 1662.*

RAREFACTIO.

Vitrum globosum, longo collo instructum, accepimus, ad Lampadis ignem conflatum, circiter 80. grana Aquæ continens, ex illo collo in vitrum aquâ repletum inverso, in Recipiens illud immisimus. Ambiente dehinc Aëre exhausto, numerosæ Bullæ ex aqua emerferunt, quæ mox expansæ omnem è globoso vitro aquam expulerunt. Tum re-admisso Aëre externo, vitrum globosum statim fere impletum fuit, omnisque expansus Aër in Bullulam, vix aciculæ nodo majorem, contractus. Exempto dehinc ex aqua vitro dicto, eoque, ut Bulla per collum evaderet, inverso, sollicitè vacuum illud spatium aquâ, aëre purgatâ, replevimus, eoque, ut ante, in vas aquâ plenum inverso, rursum illud inclusimus, atque post aliquot exsuctiones comperimus, ex Aqua in collum bullam valde conspicuam evasisse, quæ post re-admissum Aërem, in bullam prope invisibilem contracta, in vitri caput ascendeat. Tum verò *Recipiente* probe iterum exhausto, ipsam ad eò dilatare se deprehendimus, ut totam vitri globosi capacitatem impleret, omnemque fere aquam inde expelleret. Atque Aëre re-admisso, rursus contrahebatur in bullam, cujus Diameter (juxta accuratiorem æstimationem nostram) non excedebat 1. Diametri capitis Vitri supra memorati; ad eò ut ad implendam totam capitis solius capacitatem, 10648 es se expanderet: sed quia & maximam *Colli* partem occupabat, invenimus, ponderando Aquam quæ partem istam implebat, nec non Aquam, quæ caput occupabat, capacitatem istius partis colli æquasse fere tertiam partem capacitatis capitis, ac habuisse se ut 141. ad 481. Quare si 481. capacitas Capitis, ipsam continebat 10648 es; tum 141. capacitas Colli, continere eam necesse fuit 321 $\frac{17}{10}$ es; adeo ut, collectivè, exigua bulla Aëris dilatata plusquam 13769. priorem suam molem excederet.

Diameter parvæ Bullæ retractæ æquabat 1. pollicis.

Diameter exterioris superficiæ Capitis Vitri, æquabat 1. pollicis. Aqua, solum caput implens, ponderabat grana 66; Aqua, implens caput tantamque Colli partem, ac Aër prius se expandendo occupaverat, ponderabat 78 $\frac{1}{2}$ grana; ita ut ista pars vitri ponderaret grana 17 $\frac{1}{2}$.

Vitrum globosum ipsum, æquabat pondus granorum 15.

Tradere secundum hoc Experimentum potuissem, nec primo, nec etiam jam jam secuturo sociatum, quoniam neutrius eorum Expansio tam ingens, mensurâ saltem, erat, ac illa, quæ Experimento nuper recitato producebatur: Hoc verò tam stupendum erat, ut adeo consultum non putarem, id ipsum solitarium Tibi exhibere, sed aliis potius Experimentis sociatum, quorum minimum eam dilatationem Aëris produxit, quæ instituto meo præsentî satis est, quæque non leviter confirmat, ea quæ secundo Experimento continentur, nec felici casu, nec per errorem ita evenisse. Atque hæc in rem meam præsentem suffecerint; minutæ enim illæ, quas quis fortè, ob inæqualem spissitudinem vitri, simileve istiusmodi circumstantias, subducendas putaverit, tantum non sunt, ut sollicitè hoc loco examinari mereantur, ingentemve expansionis hîc assertæ gradum labefactare valeant. Quare pergam ad

EXPERIMENTVM III.

Experimentum hoc iterantes, deprehendimus, parvam bullulam, cujus diameter erat circiter $\frac{1}{2}$ pollicis, non modò Globum ad vitri globosi finem (cujus diameter erat $1\frac{1}{2}$ pollicis,) sed totum Collum, quod ferè tantundem aquæ contiuebat quam Caput, impleville; atque Aquæ in fistula superficiem insigni- ter infra Aquæ extra fistulam superficiem depressisse.

Hæc Experimenta, inter chartas meas vetustiores jam inventa, satis, credo, manifestum facient (etiamsi alia non adsciscantur) Expansionem illam, ad quam reduci potest Aër absque Calore, revera admirabilem esse. Si enim ex illo solùm Experimento, quod successum præbebat omnium moderatissimum, rem æstimemus, patebat, fieri posse, ut spatii alicujus, à portione Aëris occupati, etsi non adæquatè repleti, Aër extendi possit ad 2744, saltem, spatia ipsi æqualia: Dico, *saltem*, quia valde probabiliter plusquàm duplo majus illud spatium erat. Si verò rem ex omnium felicissimo computemus Experimento, concedendum erit, Aërem 13000 es saltem rarefieri posse: Iterum adjicio particulam *saltem*, quia certus non sum, in illo Experimento, redactum eum fuisse (*penitus*, quanquam forsau *admodum propè*) ad Rarefactionis gradum extremum in Machina nostra procurabilem. Vnde Te facile, nunc largitutum autem, me caute modesteque locutum, quando Expansionem ab uno gradu ad millesimum porrigi innuebam.

Fide igitur, quam dederam, liberatâ, id tantum superest, ut memorem, quod de Experimentorum horum publicatione me rogabas. Hoc verò petitum tuum non levibus urgetur incommodis, quæ quo minus ei assurgam obstiterint. Tenerer enim, si chartas illas dissuerem, syllogen aliquam turbare, in qua dudum jam laboraveram; illæque alio planè consilio dispositæ fuerant: quod non solùm magnum in ipsa hiatum faceret, sed & observatis quibusdam, maximo forsitan ornamento ipsi futuris, spoliaret. Adde quod, his ipsis lucè præ-expositis, reliqua illa minorem curiositatis speciem præ se ferent. Nihilominus tamen, Tibi ac Amici, tecum hac in re conspirantibus, ægrè adeò negare, quod rogatis, possum; ut si, relictis denud his chartis idem porrò urgeas quod heri (quando eas nondum videras) rem arbitrio tuo sim permis- surus, tum ob rationem jam allegatam, tum quod à Te juxta ac aliis intellexi, Aëris Rarefactionem Argumentum impræsentatum esse, quod complurium Virorum Illustrum, domi & foris, disquisitionum exercear; quos adeò veneror, ut in aliqua felicitatis parte posuero, si gratum hoc ipsis fuerit; id quod ita fore quadatenus mihi polliceor, non tantum quia Scriptum hoc tempesti- vum videtur sed quia, licet machina, plerumque horum experimentorum effector, non sterilis omnino habita fuerit, hæc ipsa tamen specimina non in le- viorem ejus productorum numerum referentur. Atque geminum hoc commo- dum

dum allaturum esse pluribus ingeniosis lectoribus breve hoc Scriptum spero: Primò invitabit & allucinet eos, ut observent expendantque attentius, quàm plerique etiam doctissimorum facere solent, insignem subtilitatem Naturæ, vixque imaginabilem illam Aëreorum illorum instrumentorum, quibus circa visibiles etiam operationes utitur, exiguitatem. Secundo, hæ ipsæ Narrationes ingenia Curiosiora & sagaciora excitabunt, ut duo problemata, hic ipsis proposita, discutiant, & solvere fortè doceant; nempe, 1. Quæ Figuræ quique Motus particulis Aëris assignari possint, quibus mira ejus Rarefendi potentia, idque fortè sine omnimoda durabilis ipsius Elastèris jactura, explicetur? 2. Quis sit, ut rarefcere Aër *absque* Calore possit tot vicibus amplius, quàm hactenus *per* calorem id fieri deprehendimus? Quibus adjici posset *tertio*; Quid rationi congruenter possit conjici de illa parte Cavitatis Vitri accurate obturati, ubi, quanquam nullam substantiam visibilem in ea nidulantem percipiat oculus: non constat, Aërem communem vel decies millesimam ejus partem adæquate replere.

[Decorative border line with repeating floral and geometric motifs]

OBSERVATA NOVA

CIRCA

DVRATIONEM VIRTVTIS

ELASTICÆ AERIS

EXPANSI.

(Permodum APPENDICIS Epistola prægressa subnexa.)



Cum præcedentem Epistolam de Rarefactione Aëris relegens, notarem hæc ad calcem ejus verba (nempe *Idque forte sine omnimoda Durabilis ipsius Elateris jactura*,) quæ ne quibusdam Lectoribus egere videantur explicatione, vereor; præter rem non fuerit, hac occasione nonnullæ per *Appendicis* modum subungere.

Primo igitur, causa, quare verbis illis formulam dubitandi, *forte*, inseruerim, hæc erat; quia reverà edoctus nec dum fueram experientia (nec jam sum,) *Verum & quousque* extrema Aëris Expansio, actu per machinam meam producta, vel aliâ ratione forsan procuranda, Ejusque sensibilis Elateris Tenacitas, secum invicem consistant? Sic loquor, ut innuam, de aliis Instrumentis Methodisque me cogitasse, quibus Aëris Dilatationem mensurari ac promoveri posse hæc est improbabile: Peragendo scil. Experimentum *Torricellianum* in Vase Vitreo, g'lobo admodum capaci instructo, Aëreasque particulas, ex Mercurio subsidente ascensuras, unâ cum alterius Aëris Bulla (si opus fuerit,) ad Vsum à nobis jam jam commemoratum applicando. Præstari etiam aliquid in eam rem poterit perquam tenuibus grandibusque Piscium Vesicis. At hisce similibusvè, quæ mentem meam subibant, mediis non immorabor, contentus me suggessisse, adeoque concedere, alia præter *Machinam Boylianam* media suppetere, quibus Aër possit ad insignem Expansionem reduci. Num verò ullum eodem superaturum sit eam, quam actu per Machinam illam obtinimus, Tempus docebit. Interea contenti erimus Experimentis illis uti, quæ ipsa jam *actu* nobis suppetitavit.

Ad reliqua igitur dictæ *Clausula* verba pergentes, cum de expansi Aëris Elatere

Elatere loquens, attributo *Durabilis* utor, proclive erit, causam ejus ex mox dicendis colligere.

Observaveram nempe, non sine admiratione quadam in iis, qui tum Naturam Aëris vestigarunt, eos ne quidem, quod Ego sciam, tentasse detegere, Vtrum Aër, vel in extremis, vel intermediis, ad quos cum reducere nobis datum, gradibus, constantem durabilemque Elasticitatem retineat?

Primo enim, Necdum à quoquam decisum, An aliqua communis nostri Aëris portio, in vitro *Hermetice* sigillato, aliove vase probe obturato, exactè conclusa, illum Elasticitatis gradum, quo pollebat quando includebatur, constanter & uniformiter, ad modicum saltem tempus, retinere sit potis? Atque annon pressionem suam quandoque variet; uti videmus, Aërem Atmosphæricum (quanquam id ex peculiaribus causis fiat,) Baroscoporum adminiculo variare.

Deinde, non constat, Vtrum Aër inclusus, si retinet Elasticitatem Uniformem ad tempus *modicum*, ejusdem sit futurus tenax ad tempus valde *diuturnum*? Quinimo, Annon tandem consecuturus sit Elaterem non modò debilem, sed fortè nullum omninò sensibilem? Vti videre est in gladiorum laminis compluribusque aliis Corporibus Elasticis, quæ æquo diutius inflexa flexuram illam retinent, pristinamque semet restituendi vim (ut vocant) amittunt.

Tertiò, Nil quicquam hætenus statuere Philosophi de *Gradibus* Elasticitatis; Annon scil. Durabilitas & Uniformitas, vel Variatio virium ejus, à Differenti illo gradu dependeat, quo pollebat, quando primitus includebatur.

Multò minùs, *quarto*, conati fuimus manifestum reddere, Vtrum Elater inclusæ portionis Aëris aliquando debilitari, quandoque verò intendi possit ab externi Aëris Atmosphærici, quoad gravitatem, Mutationibus, in Noviluniis & Pleniluniis? Quibus complura alia Accidentia externa possem adjicere, quæ vix dum suspensionem movent.

Subungere his alia nonnulla Dubia & Quæsitæ possem, ab instituto nostro forte non abludentia, nisi revertendum esset, unde sum digressus.

Dico itaque, cum animadverterem, scrutatores Naturæ Aëris hætenus defecisse (cujus culpæ & ipse nimis diu reus fui) etiam in ipso exquirendi conatu, Vtrum scilicet Aër sive in extremis sive intermediis Rarefactionis gradibus, quò reduci à nobis posset, per insignius temporis spatium Elasticitatem suam, vel quosdam saltem determinatos ejus gradus retineat; an verò fixis ordinatisque decrementis ipsam amittat? E re judicabam, experimenta quædam circa hoc argumentum peragere: At non possum de propositi mei successu gloriari, cum vel mutationes loci, vel morbus aliive casus infausti, vel hæc illave accidentia ingrata, obfuerint, quò minus perficerem, quod institueram, atque ex parte etiam in rem verteram. Veruntamen ut nonnulla Tibi

suggeram, quin etiam ansam Experimenta feliciora capiendi præbeam, subjungere non dubitabo, quæ de meis circa rem illam conaminibus mentem subeunt.

Memini itaque, quodd, cùm primò inciperem nonnulla ad propositum meum spectantia experiri, communodis instrumentis destitutus; contentum me esse oportuit jubendo Bullam vitream, fistulâ instructam, ita ad flammam Lampadis conflare, ut, dum globus ille valde adhuc caleret, proindeque non nisi Aërem summè rarefactum contineret, fistula ocyùs in candelæ, quæ de industria in promptu erat, flammam truderetur; quo factum, exilis cùm esset, niçtu oculi obfigillaretur, Aerque intus conclusus eandem retineret. Expansionem, ad quam calor intensus, cui fuerat expositus, eum redegerat. Bullam hanc elapsis compluribus mensibus, in pelvim aquâ impletam invertendam, apiceque sigillato infra superficiem illius effracto, Liqueor vii in cavitatem ejus impellebatur, eam tamen replere totam nequibat; insignior quippe pars ipsius, ulteriorem aquæ adscensum, mediante residui Aëris vi Elasticâ prohibebat; qui Aër, diutinâ illa expansione, quam passus fuerat, nequicquam obstante, nihil planè Elasticitatis suæ, quod Nos quidem percipere potuimus, deperdiderat.

Verùm erat hoc tentamen ejusmodi in quo acquiescere neutiquam potui. Quare commodiori aliquantulum supellectile instructus, aliam rationem inii, partim ut Spectatores, hisce rebus non ita suetos, nonnihil oblectarem, partim ut dilucide ostenderem (quanquam nec hic exhibere omnia pro voto potui) Aërem etiam insigniter expansum, per insigne tempus in eo statu durare. Quocirca, relicto Aëris tantillo in tenuis Vesicæ flaccidæ plicis, ejus collum strictè erat circumligatum, ipsum, *Machina Boyliana* beneficio, ad tantam dilatationem, extendi curabam, ut Vesicam totam videretur implere, eamque ad tumiditatem istam redigere, quam habebat quando eam evacuatum ibamus: eratque peculiari quodam artificio Vesica vasi alteri sic inclusa, ut ab omni intrusione Externi Aëris secuta, turgidam suam figuram tueretur. Inque hoc statu rugarum experte, Viris quibusdam Illustribus (*Londini* nunc agentibus) eam ante complures Menses ostendi, postquam in eo statu per biennium seivè, ni fallor, durasset.

Ex quo hoc scripsi, tandem Vas jam jam memoratum inveni, nonnullisque Spectatoribus curiosis ostendi, qui unâ mecum notavere, Vesicam inclusam tantum abfuisse à rugis vel contractione, ut turgida plenâque conspiceretur, prout vesicæ probè inflatæ apparere solent: adeò ut Menses complures, (*fortè duodecim*) modò dictæ Expansi Aëris Durationi jure sint adjiciendi.

Sed cùm nec hic modus mihi in quibusdam, quæ manifi stari cupiebam, satisfaceret, parvum aliquod instrumentum excogitabam, cujus Artificium, ut ut perquam simplex, multò accuratiorem ejus, quod volebam, successum non promittebat modo, sed & per aliquod temporis spatium re ipsa præstabat. Intra mentum illud, si vis, lubens Tibi monstrabo, cùm nuper consciendum mihi fuerit

fuerit novum, quod penes me nunc habeo. Suffecerit interim hîc indicare, ita constructum id esse, ut ejus adminiculo innotescere, (præter alia) possit, *Vtrum & Quamdiu* Aër, ad omnium maximam, quo unquam in Machina meâ redigere cum potui, extensionem reductus, Elasticitatem suam retineat; Atque etiam quibus gradibus periodicisque temporis, decrementum, si ullum tale, procedat? Verùm de experimenti in eo peracti successu non nisi manentem valde relationem tradere possum, eò quòd Instrumentum, in quod id ipsum, tribus retrò annis circiter, peregi, in loco quodam reliqui, unde repetere illud non possum, nisi eò revertar ipse; proindeque de Experimenti successu judicare nequeo. Hoc dumtaxat memini, me nullam in Elasticitate Aëris diminutionem notabilem animadvertisse, quamvis ejusmodi premeretur & quasi oneraretur pondere, ut mirari subiret, qui posset tantopere rarefactus, illud vel ad minutum temporis sustinere.

[*Ex quo hæc commentatus est Author, casu unum ex Instrumentis modò descriptis invenit, idque magnitudine insigniori; quod intercidisse crediderat. Eo cellato cum Adversariis, tunc cum primis erat perfectum conscriptis, eo scilicet fine ut altitudines, dimensiones &c. inclusi Mercurii & Aëris memoria haberent, deprehendit, decem circiter septimanarum spatio nullam in eis variationem insignem obvisisse; ex quoque illam Contractionem Aëris, quæ attentiori oculo percipi poterat, aliam non esse, quam quæ adscribi probabiliter possit calis ad incensus longè frigus mutationis, quæ quidem inani, (nec nisi tantillum) censeri poterat inclusi Aëris Elasticitatem debilitare, proindeque perfectam ejus pressionem Mercurii, in longiore Siphonis curvæ, reversionem diminueret.]*

Sed adhuc alius superest modus à me excogitatus, quo Aër, in parvo quodam Instrumento portatili (quod monstrare Tibi possum ad quingentes sexcentisve, fortè millies amplius solito spatium, expansus, non tantum longo temporis spatio Elasticitatem suam retinuit sed & primario cuidam Quæsito meo satisfacit, Vtrum scilicet Aër, valde dilatatus citra calorem, insigniter afficeretur calore externo; Eo quippe ipsum affici in hoc Instrumento palam est; Ibi enim, magna, quam jam acquisivit quàmque tueri velle videtur, raritate nequicquam obstante, manus nostræ, exteriori vasi admotæ, Calor subitam manifestant; admodum Operationem edit; eaq; remotâ, Aër sensibilis derepente ad priores suas dimensiones juxta ac temperiem revertitur; adeò ut eo tanquam Thermometro uti, factaq; diutinâ hujus cum illo comparatione detegere forsitan nonnulla possimus.

Verùm hæcenus id egi, quod agere non amo, quòdque rarè admodum, quando mea ipsius Experimenta trado, egi, h. e. non determinatas ullas rerum commemoratarum quantitates & proportiones præcisè indicavi: Ast unum ex prioribus meis Experimentis nuper inveni, in soluta charta descriptum, ubi quia Quantitates annexæ sunt, spero, id ipsum rei à me jam jam commemoratæ fidem conciliaturum, Tibique aliquatenus, licet non omnimodè, satisfacturum.

Vitrum, figuram Cylindricam quàm conflare à nobis exactissimè ad Lampadem potuit, referens, longòque scapo, ad extremitatem non obfigillatam exeunte, instructum, omniù repletum fuit aquà, inversumque in Aquam, quæ erat in fundo capacioris fistulæ, uno sui extremo obfigillatæ, atque tres quatuorve pedes longæ. *Exterior* hæc fistula, sic vocata distinctionis ergò, fuit exhausta, donèc Aër, qui emergebat in aqua fistulæ *interioris*, aquam fistulæ Cylindricæ ad imum usque, ubi pars scapi superior erat, extraxisset: quâ intensâ Aëris expansione factâ, cum fistula externa subito tutòque, artificii cuiusdam adminiculo, obturata esset; Aër ita rarefactus quandòque aservabatur in cubiculo meo calidiori, quandoque in conclavi quodam inferiori: Et postquam, à primo ad ultimum, per undecim septimanas, vel tres menses circiter (ni me fallit memoria) aservatus fuerat citra notabilem ullam Variationem, nisi quod in conclavi frigidiorè Aqua, ut conjeci, ascendeat circiter $\frac{1}{2}$ vel propè $\frac{1}{2}$, eâ fistulæ interioris parte, ubi inferior Cylindri pars sensim in strictum scapum contracta minuebatur: post hæc, inquam, Doctorem *Wallisium*, Celebratissimum illum Geometriæ Professorem *Savilianum*, heri invitabam ut nobis vitrum jam jam fracturum, adesse, inque Aëris Expansione, clauso Apice fracto, eò accuratius æstimanda juvare nos dignaretur. Aqua nonnisi lentè (ob Orifici, ad præbendum Aëri ingressum facti, angustiam,) impellebatur in priùs desertam Cylindri cavitatem, quam implebat totam, parvâ bullulâ, quæ valdè depressa erat, exceptâ. Re attentis oculis ad justam distantiam observatâ, circumscque vulgaribus juxtâ ac uncinatis adhibitis, has mensuras obtinuimus: Pars Cylindrica fistulæ internæ erat. 3. pollices longa. & $\frac{1}{2}$ pollicis (vel minus) diametro exteriori, Bullæ diameter erat $\frac{1}{2}$ & profunditas $\frac{1}{2}$ circiter. Ex quibus omnibus, juxta calculum supradicti Doctoris, Bulla, ad spatium, quod occupabat non-expanfa, se habebat ut 1. ad 1350.

2 Mart. 18.

EXPE-

EXPERIMENTA NOVA

DE

CONDENSATIONE AERIS

PER

SOLVM FRIGVS;

*Ejusque COMPRESSIONE absque Machinis
Mechanicis.*



VM non minus verum sit quam talatitium, *Contraria juxta se posita magis elucescere*, cūmq; jam à me dicenda, necessariò ad inferendam sequentibus lucem adque superius scriptum cum secuturo connectendum prazmitti debeant; prater rem non fuerit, quazdam hoc loco de *Aëris Condensatione & Compressione* adjicere.

Atque hinc non possum non mirari inter tot Scriptores, *Frigoris naturam*, adeoque *Aëris Condensationem*, ipso mediante factam, considerantes, nullum à me repertum, qui curiositate ductus fuerit Condensationem istam mensurandi. Quare dudum id ipsum prazstare aggressus fui, uti ex alia Dissertatione mea patet. At cum eam nunc prazstare non habeam, atque in genere recorder, me hyeme id peregisse, quā Anni tempestate objici potest, *Aërem*, jam frigiditate prazfectum, capacem non fuisse insignis adeò per frigus accessorium *Contractionis*, ac eo Anni tempore foret, quando in statu laxitatis esse consuevit; visum fuit, Experimentum capere circa initium *Autumni*, nec ad easdem circumstantias, quas ante in eo peragendo observaveram, me adstringere. Tentaminis hujus eventum sic annotatum invenio;

[Post medium *Septembrem*, lucente Sole, circa meridiem (quas circumstantias quazrebamus, ut *Aëre* eo rariori magisque expanso uteremur) *Phialam* accepimus rotundam, longo scapo instructam eamque in loculamento de industria fabrefacto collocavimus, sic ut scapus *Horizonti* esset perpendicularis; parsque ejus globosa sustentabatur à tali vase, ut per foramen, in ipsius medio de industria factum, deorsum porrigeretur scapus, quousque orificium

N n ejus

ejus tantillum immergeretur superficiei vitri aquâ pleni, in loculamenti fundo collocati. Hoc factò, insigniorem Glaciei copiam accepimus, quam in mortario contusam, justæque salis marini copiae commixtam, non modò inferiori globosæ Phialæ parti circumposuimus, verùm etiam, cùm vas, illi parti contiguum, ex proposito esset labris fursùm reflexis instructum, copia nobis hoc ipso facta fuit, mixturam frigorificam ita accumulandi, ut totam vitri partem globosam cooperiremus, ipsamque ejus funimitatem insigniori spissitudine contereamus, unde cùm Aër internus vehementer frigeret, Aqua, in qua terminabatur scapus, fursùm per cavitatem scapi aliquantum celeriter fuit impulsæ, donec eam altius ascendere nolle perciperemus; sed post aliquod temporis Spatium iterum subsidere incipiebat: quo temporis momento sollicitè animadverso, notam supremæ Stationi Aquæ apposuimus; tùmque vitrum globosum exemptum aquâ replevimus, subductione factâ pro exigua illa scapi parte, quæ sub Operationis initium immersa fuerat. Hanc Aquam ponderabamus, reperientes, pondus ejus esse novendecim unciarum cum sex drachmis; Tùmque tantâ Aquæ quantitate appensâ, ac implendo ad usque notam modò dictam scapo sufficiebat, inveniebamus, pondus illius esse unius uncie & drachmarum trium; per quem numerum si prior dividatur, Quotiens erit $14 \frac{2}{3}$ drachmæ: Adeò ut, cùm duarum quantitatum Aquæ proportio sit ut 11 ad 158; Spatium, intra quod Aër condensatus fuit per Refrigerationem, habuerit se ad Spatium in priori laxitatis statu occupatum, ut 147 ad 158; proindeque maxima, ad quam isthoc anni tempore sub istiusmodi cælo, tam insignis Refrigeratio Aërem redigere potuit, condensatio, nonnisi $\frac{1}{158}$ prioris ejus extensionis diminuerit.]

N.B. *Primò*, Scapus vitri insignis sit longitudinis oportet, ne ex magna contractione, Aëri in globo per refrigerationem inducâ, Aqua ascendat in ipsius Globi cavitatem, & hac ratione dimensu perdifficilis evadat.

Secundò, Si quis consectari minutias velit, notare licuerit altitudinem, ad quam Aqua in scapo adscendebat, duos pedes superasse; qui Cylindrus Aquæ, suo pondere & tendentiâ deorsum, nonnihil impedire liquorem possit, quò minus tam altè ac secus ascenderet, proindeque efficere, ne Condensatio Aëris omnimò tanta, ac reverâ erat, appareret. At Cylindrus tam levis, ac erat ille suspensæ Aquæ, vix considerationem notabilem meretur.

Tertiò, postquam Aqua ad tantam ascenderat altitudinem in scapo ac potuit, mirus in eo subfultus, sive alternatus ascensus & descensus observabatur, similis ferè illi, qui notatur in *Torricelliani* Experimenti *Mercurio*, antequam ipse post subsidendam primam consistit. (Sed hujus *Phænomeni* consideratio non est hujus loci; quare nec ei immoror, aliisque nonnullis commemorandis abstinco.)

Quartò, licet ab hoc Experimento non constet, Vtrum Frigus, hoc modò productum, æquale sit gelidæ tempestatì Hyemis, proindeque Aërem valeat tantum-

tantundem, ac tempeſtas illa ſolet, contrahere; ex prægreſſis tamen Tentaminibus, idoneorum Inſtrumentorum ope factis, compereram, per iſtiusmodi applicationem Glaciei & Salis, qualem in nupero Experimento adhibueramus, intenſiorem Frigoris gradum, idque tempeſtate calidiori, poſſe produci, quam quæ neceſſaria reperta fuerat Gelidæ hyemis tempeſtati conciliandæ. Experiendi huius rei methodum, brevitatis cauſâ, nunc prætereo: Eam tamen, quando liberit, communicare Tibi non gravior.)

Verùm enim verò, non Te his Adverſariorum meorum Notis detinui, eâ potiſſimum de cauſâ, ut Te de Condensatione Aëris, per Naturam effici ſolita, edoceam: Etenim illud, quod rem iſtam propoſito meo inprimis accomodat, hoc eſt, ut ſcil. inde manifeſtum fiat, quòd quoad Aëris Condensationem ſive Compressionem, à me tradendam, eſſi Frigore uſi in ipſa fuimus, ea tamen Frigoris beneficio producta non fuerit, quippe quod contrahere Aërem ad intenſionis illius dimidium non valuit, ad quam reducta fuit per Operationem noſtram (mox recitandam;) in qua Frigorificum illud crama non primariò vel immediate Aërem incluſum comprimebat, ſed Aquam, cum ipſo in eodem vaſe concluſam, ita ſolummodò afficiebat, ut eam tumefaceret, proindeque particulas Aëreas in anguſtius ſpaciũm cogeret. Quare jam ſuper eſt, ut ad Experimentum ipſum progrediamur; cujus breve Apograpum ſic accipe.

[Ut Advenas nonnullos convinceremus, novum Vitrum Globolum accepimus, collo haud longo inſtructum, idque Aqua communi eoſque implevimus, ut eo *Hermeticè* obſigillato, Liquor ſummitatem, tribus circiter pollicibus minus, attingeret; id quod regulâ dimetiebamur, æſtimato etiam extremo acutiori, ob ſigillandi vitri commoditatem ita conſtructo; quod extremum acutum circiter; pollicis longum eſſe conſectabamur: Dehinc Nive ſalæque Globo inferne applicatis, promptè Aquam inde ſemper ulterius in Collum propulſimus, donec tandem ad acuti conicque extremi baſin, ubi obſigillatum erat vitrum, pertingeret: Tum verò, me inſpectante, vitrum cum ſtrepitu in multa fruſta diſtractum hac illac diſſiliit; id quod, per magnam fuiſſe Aëris compressionem, palam faciebat. Quique aderat, Doctör *Walliſius*, effectumque de tempore in tempus menſurabat, monuit, ut Adverſariis meis Experimentum hoc infererem, adjectâ ab ipſo factâ æſtimatione, quæ erat, quòd Aër in *quadrageſimam* prioris ſuz Extensionis partem fuerat reductus.

Novi ſatis, tantam Aëris Condensationem eos miraturos, qui notarunt, nonnullos ſeculi noſtri Mathematicos præſtantioreſ, qui *Sclopetis Pneumaticis* aliſque Machinis vi agentibus, uſi ſunt ad Aërem in ſpaciũ quantum pote minimum cogendum, faſſos eſſe, ſe quavis vi & induſtriâ ſuâ non magis valuiſſe Aërem quam ad locum naturali ſuo ſpacio *quindecuplo* minorem reſtringere; adjectâ in ſuper hac notâ, factum id fuiſſe in regionibus, Aëre multò laxiori rariorque, quam eſt *Anglicenſis* noſter utentibus. Fateor ego, non, viſiſſe me Ex-

perimenta, Sclopetorum Pneumaticorum adminiculo peracta, quæ me convincerent, tantam esse condensationem, qualem nuper memoratam audivimus: circa quam * *Mersennus* ipse nonnulli hæsitat, dubitave visus, fueritne Aër in locum, priori *quindecuplo*, an *octuplo* duntaxat, angustiore restrictus.) Atque ille, qui observavit expenditque, uti à me factum, in *Fonibus Pneumaticis* (ut vocant) Vitreis, Aërem videri insigniter compressum, cum Nos tamen nonnisi in locum triplo minorem reverà condensatum, deprehenderimus, minus verebitur de iis, quæ de Compressione Aëris cum glandiloquio perhibentur, didicere. Sed quia Experientia nos docuit, Aërem nostrum *Anglicum*, instrumentis quibusdam peculiaribus, in locum, decuplo, duodecuplo, vel fortè etiam quindecuplo priori minorem cogi posse, sumam utique pro concessio, quod de Aëris in quindecuplam naturalis suæ dimensionis partem Compressione traditur: Nostrum tamen Experimentum, insignior erit magnæ Compressibilitatis, ut sic loquar, Aëris Instantia. Etenim, juxta æstimationem superius traditam, Compressio nostra, sine instrumentis Machinisve Mechanicis facta, Aërem ad *quadragies* minus spatium redegit. Et quanta vis requiratur, Aëre jam insigniter condensato, ut magna ipsius ulteriori condensationi renitentia vel tantillum superetur, ex Observationibus, de graduâ Aëris ad Compressionem resistentia (quam ante plures annos cum *Mercurio* peregrimus, & postea publici juris fecimus) colligi poterit † Verum, quanquam ex causis recitatis, magna illa Aëris Compressio, Experimento nostro producta, mira admodum, ut modò dicebam, videri possit; fidem tamen superare non videretur, si Experimenta & Observationes illas ex *Historia* mea jam edita, & quibusdam chartis ineditis de *Frigore* (quæ hæctenus à me traditæ tuerentur,) mutuò acciperem; imprimis autem si narrandæ methodo immorari vellem, quâ haud infeliciter sum usus, ut factâ Aquæ congelatione, magnam Expansionis ejus vim, ponderis ope æstimarem. Sed quia hujus artificii enarratio hic necessaria non est, ampliùsque deposceret otium, quam mihi nunc suppetit, id solum reliquum est, ut per *Corollariorum* modum, ex iis, quæ in hoc & duobus præcedentibus Scriptis fuere tradita, Observationes quasdam, inde nobis suggestas, indigitemus.

V. *Mersen. in Phanom. Pneumat. Prop. 32.* † *In Defensione contra Linum.*

DE EIVSDEM
 QVANTITATIS AERIS
 RAREFACTI & COMPRESSI
 EXTENSIONE MIRE DIFFERENTI.



Voniam jam dixi, me dum fui, nil aliud velle, nisi Observationes quasdam subnectere, à prius jam traditis manentes vel subeuntes; opus haud fuerit ullà alià *Præfatione* sequentia protelare.

Primò itaque notatu dignæ videntur differentes illæ Alterationes, quibus Aër subjacet ex Frigore & Calore. Etenim cum in hoc nostro Climate non comperiremus, *Frigus* redigere Aërem *Condensatione* in vigesimam partem Extensionis suæ prioris, *Calor* ipsum *Rarefactione* in Spatium nativæ Laxitatis suæ septuagesies propè amplius exporrigebat.

Deinde, observare est, Machinarum aliorumque artificialium Instrumentorum ope, Aërem posse bis terve comprimi amplius, quàm condensare eum Natura Frigore, etiam, gelido cælo, assolere: Et è contra, Aërem posse Artis & Instrumentorum adminiculo multò plus rarefieri expandique quam præstare hætenus merari Caloris Externi, etiam ab intenso Igne inducti, applicationem posse hætenus deprehensum fuit.

Porro, * præter rem non fuerit advertere, Quantum extremus Rarefactionis gradus, quem in Aëre Calorem produxisse Experimentis deprehendimus, deficiat ab illo Expansionis gradu, ad quem Machinæ nostræ Pneumaticæ beneficio perductus ille fuit; cum proportio inter duas hæc Expansiones se habeat ut 1. ad 70. vel circiter.

Sed necessarium fortè non fuerit concludere, Aërem tantò amplius posse rarefieri quàm comprimi, ac plerisque Lectoribus proclive erit inferre, maximam ejus Compressionem & Expansionem, in his Experimentis traditam, comparando: quandoquidem, ni fallor, considerandum est, Aërem, qui peragendis Experimentis nostris in superficie Terræ inservit; propriè non fuisse (uti nec est Aër quem inspiramus) in consistentia sua nativæ, ut loquuntur, vel, si placet, in libero atque ad Rarefactionem & Condensationem indifferenti statu,

N n 3 sed

* *Vide, quædæ extremam à Calore Expansionem, Merfen. in cogn. Physico-Mathem.*

sed valde jam à Columnæ Atmosphæricæ, ipsi incumbentis, pondere compressum, quo ipso vehementem jam ad ulteriorem Compressionem renitentiam obtinuerat: Cùm è contra Àër dilatandus fortem jam haberet, vi Elateris sui (ab innitenti Àëris pondere vehementer flexi) ad se expandendum propensionem sive vergentiam: Quod discrimen mihi suffecerit innuisse; Tuum fuerit considerare, Quantam id rei nostræ differentiam asserere possit.

Quartò, Nonnullis forsan magis opæ præcium videbitur expendere, quàm proclive explicare, Quo modo, cum Àëris corpuscula concedantur esse gravia, eaque quæ supersunt perquam rara in vase dispergantur, quo modo inquam, ipsa in Recipientis cavo sustententur, & quasi natantia in eo conserventur, nec suo ipsorum pondere subsidere conspiciantur; cum de cætero *Materia subtilis* (admissa licet ejus præsentia) gravitatem habere non videatur, sitque *Vacuum* (si id ibi supponas, ubi Àëreæ particulæ non sunt) nimis affine nihilo, quàm ut earum descensui obniti queat. Verùm quanquam suggeri aliquid circa dubiū hujus solutionem possit, festinatio me urget, ut id tale relinquam.

Quintò, Non sollicitè hic commemorabo admirationem, quæ jure in iis excitabitur, qui *Recipiunt* quoddam nostrum probè exhaustum contentes, attentè considerabunt, quàm exigua sit proportio, quæ communibus corpusculis Àëreis, perparcè inibi dispersis, intercedat cum tota cavitæ vasis, quod priusquam evacuatum fuerat, solo Àëre repletum censebatur: Hoc, inquam, non sollicitè notabo, cum id supervacaneum credam; vix quippe dubitans, quin & *Cartesiani* & *Epicurei* suà sponte id sint observaturi inque rem suam quique versuri Priores quippe eo ipso conabuntur *Materia suæ subtilis* necessitatem, ad tuendam Mundi Plenitudinem, stabilire; posteriores verò tantum non triumphum agent, se multò illustrius, quàm unquam, *Vacui sui conservati* Argumentum nactos, existimaturi: Hic quippe esse vas impenetrabile obtendent, ex quo palam sit, incredibilem propemodum Àëreæ substantiæ quantitatem manifestò evacuatam esse; cum Palam non sit, ullum aliud corpus in locum ejus successisse. Disceptandum igitur illis relinquens, quid illud sit, quod in longe majori Vasis parte, quam exhaustus è Recipiente nostro Àër deferuit, continetur, notabo.

Sextò, Nos hoc loco imprimis, cum id fuerit primarium eorum quæ diximus institutum, invitari, ut cum admiratione observemus stupendam Àëris mutabilitatem, Raritatis ac densitatis respectu, quâ sit; eadem Àëris, modò compressi, modo expansi, quantitas dimensiones suas eousque mutare possit, ut transcendere quasi Naturæ & Artis vires videatur; proindeque fortè rejici possit tanquam incredibile, si abruptè nudèque proponeretur. Quare ex re fuerit, paucis hæc duo subungere:

Primò, Considerabimus, quod Experientia ducti in *Defensione* nostra contra *Dottissimum Linum* tradidimus de Condensatione & Rarefactione Àëris, prout majori minorive pressioni exponitur, absque externi Caloris, vel etiam Machinarum artificialium interventu. Ab istis quippe Experimentis (quæ in modò

modò dicta *Defensione* * reperire est) Eximii Mathematici conclusere vix tutò poni determinatos posse limites stupendæ illi Raritati , quam Atmosphæræ partem supremam , penitus ferè ab incumben- tibus particulis Aëris in- compressam , obtinere per Naturam , ab Arte non adjutam , supponi po- test.

Alterum (quod priori multò notabilius) est , Vt minimas dimensiones , ad quas Aërem rede- gimus Condensando , conferamus cum maximis , ad quas ipsum promovimus Rarefaciendo ; factâ priùs animadvertione , quòd , juxta minimam ullius Experimenti ex suprâ recitatis æstimationem , Extensio ejus- dem quantitatis Aëris se habeat ut 1. ad 1744 , vel circiter ; siu verò , omnium moderatissimæ Dilatationis loco , accipiamus maximam , quæ (omis- sis cen- tenis quibusdam , numeri rotundioris constituendi gratiâ) se habet ut 1. ad 13000 , quando Aër in. compressus summopere rarefactus erat ; numerus ille , ductus in 40 (ob prædictam Aëris Compressionem ;) assurgit ad 520000 , quot sc. l. vicibus Aër hoc tempore eandem Aëris portionem tempore alio ex- cedit. Quæ quidem Expansionis differentia tanta est , ut prægressæ Epistolæ Titu- lum , ubi *miram* appello Aëris Expansionem , immodellum nequaquam sis ha- biturus ; imprimis cum memorare abstinuerim , quàm probabilia possint Ar- gumenta adferri , quibus saltem possibile probaretur , Industriam humanam , &c. fortasse Nostram , exquirere media posse , quibus Aëris tum Condensatio tum Rarefactio ultra extremum illum gradum , ad quem hæctenus eas redigere po- tuimus , provehantur.

* Cap. 5. cujus Titulus est, *Duo Experimenta Nova de Mensura Spirituum Elaterum Aëris , com- pressi & dilatati.*

FINIS.

